



SBS ye cómaj ór raí mocwara sar také behtor SBS Radio ar zuban ór hédmot banáí faré fan

SBS óttu yan komitment asede ki har kontemporari Australia mahul ór zoruriyat fura goribolla, SBS yé curu gorer cek gora zuban ór hédmot zin SBS Radio óttu dedé, aijja awam mañuíc ólla thaím kulidiyé raí mocwara dibolla.

SBS ór zuban ór hédmot iba fotti 5 bosor oré cek goredé nacional census ór mutabek yé, yan fakka rakibolla SBS Radio ór hédmot gan din óttu diné Australia hotodilla majmuk cómaj ór mutabke ó fan. Kereteria iin basibodé 2021 nacional cencus ór data mutabek yé zuban hon niin ót hédmot dibou de yan ar yan ót 5 bosor ólla modot oíbo kengóri hédmot diyum de mutabek yé.

Zuban ór hédmot dedé cek yan ót SBS ór audio ar zuban ór hédmot zin dé yani radio, SBS On Demand, podcasting ar oinno digital platforms.

Sóu hafta awami konsultecion, iba aijja curu oíbo ar 12 November 2021 ót hotom oíbo, yan oildeki ki beci zoruri mauka cómaj ólla SBS ór Radio ór hédmot ó tar netwok audio ar zuban hédmot dedé yan or baabote kiccu hicca loí fariboude iindilla. Aheri it raí mocwara iin muntu loí tara final kereteria banáí bo.

SBS Director of Audio and Language Content, David Hua, iba yé hoddé ki, "SBS óttu unik torika asé Australia ár har uggwa cómaj loí talukat rakibar ibar hoto zuban ór hédmot loí, hoto dilla poínt loí. 45 bosor oiye añara bonodé torika loí solir ziyan neiki inovatif ar faida wala hédmot ókkol diya ré comaj ór hasé zindilla neiki radio, online, podcasts ar apps 60 zuban ót. Cek iba zoriyayé añara SBS óre banáí faribo 50 bosor ótti ótti.

"SBS yan sobut oíyede ki ,beci zoruri de yan has gori COVID-19 pendemik ór thaím ót, zeçe neiki keritikal hobor ókkol ar aramiyot ór maalumát ókkol difaijja nizor zuban ót. Toi zuban ór hédmot dibar cek iba beci zoruri také añara Australia cómaj ór mutabek yé hédmot di farifan.

"Thaím oré noya goron ór zoriyayé SBS ye bala hédmot difaijje hoto dilla majmuk cómaj or hasé, ar noya cómaj ókkol zin boçer itarar hasé. Cómaj ór awas bonon beci zoruri, eítalla añara cómaj ókkollore raí mocwara dibolla aros gori ar proses ibat yan beci keritikal."

Kereteria zin basi loíbou iin begun May 2022 final goribou, ar noya SBS zuban ór hédmot curu oíbou 2022 aheri ótti ótti.



Pablik ór konsultecion iba 5 Oktober óttu loti 12 November fan 2021 taíbo. Ki basi bode yan ór deraf saíbolla ar kengóri zoma goriba yan zani bolla zai so sbs.com.au/consultation.

Aro maalumat ólla ar interbiu ólla kontek góro:

Kate Warnock | kate.warnock@sbs.com.au | 0419 316 135c